

Қазақстан Республикасы Президентінің қарауына Қазақстан Республикасы мен Түрікменстан арасындағы Каспий теңізіндегі Қазақстан-Түрікменстан мемлекеттік шекарасын межелеу және балық аулау аймақтарының шектес участеклерін бөлу туралы шартқа қол қою туралы ұсыныс енгізу туралы

Қазақстан Республикасы Үкіметінің 2019 жылғы 31 қазандағы № 811 қаулысы.

Қазақстан Республикасының Үкіметі **ҚАУЛЫ ЕТЕДІ**:

Қазақстан Республикасы Президентінің қарауына Қазақстан Республикасы мен Түрікменстан арасындағы Каспий теңізіндегі Қазақстан-Түрікменстан мемлекеттік шекарасын межелеу және балық аулау аймақтарының шектес участеклерін бөлу туралы шартқа қол қою туралы ұсыныс енгізілсін.

Қазақстан Республикасының
Премьер-Министри

A. Мамин

Жоба

Қазақстан Республикасы мен Түрікменстан арасындағы Каспий теңізіндегі Қазақстан-Түрікменстан мемлекеттік шекарасын межелеу және балық аулау аймақтарының шектес участеклерін бөлу туралы шарт

Бұдан әрі Тараптар деп аталатын Қазақстан Республикасы мен Түрікменстан, екі мемлекет арасындағы тарихи достық байланыстарды нығайтуға ниет білдіре отырып,

2001 жылғы 5 шілдедегі Қазақстан Республикасы мен Түрікменстан арасындағы Қазақстан-Түрікменстан мемлекеттік шекарасын делимитациялау және оны демаркациялау процесі туралы шартқа, сондай-ақ 2017 жылғы 18 сәуірдегі Қазақстан Республикасы мен Түрікменстан арасындағы Қазақстан-Түрікмен мемлекеттік шекарасын шегендеге туралы келісімге негізделе отырып,

2018 жылғы 12 тамыздағы Каспий теңізінің құқықтық мәртебесі туралы конвенцияның (бұдан әрі - Конвенция) ережелерін, сондай-ақ халықаралық құқық қағидаттары мен нормаларын басшылыққа ала отырып,

Қазақстан Республикасы мен Түрікменстан арасындағы Каспий теңізіндегі мемлекеттік шекара сызықтарының өтуін және балық аулау аймақтарын бөлуді айқындауға ниет білдіре отырып,

Қазақстан Республикасы мен Түрікменстан арасындағы мемлекеттік шекара екі бауырлас халықтың мемлекеттері арасындағы бейбітшілік пен келісім шекарасы болып табылатынын атап өте отырып,

осы Шарт Тараптар арасындағы тату көршілікті одан әрі нығайтуға және өзара тиімді және тең құқықты ынтымақтастықты дамытуға ықпал ететініне сене отырып, су биологиялық ресурстары кәсіпшілігіне Тараптардың айрықша құқықтарын іске асыру үшін қолайлыш жағдайларды қамтамасыз етуге ұмтыла отырып, төмендегілер туралы уағдаласты:

1-бап

Осы Шартта Тараптар Қазақстан Республикасы мен Түрікменстан арасындағы Каспий теңізіндегі өздерінің аумақтық сularын бөлетін мемлекеттік шекара сызығының (бұдан әрі – мемлекеттік теңіз шекарасы) және Қазақстан Республикасы мен Түрікменстан арасындағы Каспий теңізіндегі балық аулау аймақтарының шектес участкерін бөлу сызығының (бұдан әрі – балық аулау аймақтарын бөлу сызығы) өтуін айқындалады.

Осы Шартта пайдаланылатын терминдердің Конвенцияда айқындалған мағынасы бар.

2-бап

Мемлекеттік теңіз шекарасының сызығы және балық аулау аймақтарын бөлу сызығы осы Шарттың 4 және 5-баптарына толық сәйкес бұрылымыс нүктелерін қосатын геодезиялық сызықтар бойымен өтеді.

3-бап

Мемлекеттік теңіз шекарасының сызығы Кронштадт футштогының нөліне қатысты 1977 жылғы Балтық биіктіктері жүйесінің минус 28.0 метрлік белгісіне тең Каспий теңізінің орташа көпжылдық деңгейі негізге алына отырып салынды.

Балық аулау аймақтарын бөлу сызығы мемлекеттік теңіз шекарасының соңғы нүктесінен бастап салынған.

Мемлекеттік теңіз шекарасының сызығы мен балық аулау аймақтарын бөлу сызығының бұрылымыс нүктелерінің координаттары Тараптар келісken 1942 жылғы координаттар жүйесіндегі картографиялық материалдар негізінде айқындалған.

4-бап

2001 жылғы 5 шілдедегі Қазақстан Республикасы мен Түрікменстан арасындағы Қазақстан-Түрікменстан мемлекеттік шекарасын делимитациялау және оны демаркациялау процесі туралы шартқа 1-қосымшада көрсетілген және 2017 жылғы 18 сәуірдегі Қазақстан Республикасы мен Түрікменстан арасындағы Қазақстан-Түрікмен мемлекеттік шекарасын шегендеу туралы келісімде көрсетілген солтүстік ендігінің $41^{\circ}45'42.9''$, шығыс бойлығының $52^{\circ}26'46.4''$ координаттары бар шегенделген мемлекеттік шекара сызығының соңғы нүктесіне (162) сәйкес келетін № 13 шекаралық нүкте мемлекеттік теңіз шекарасы сызығының № 1 бастапқы нүктесі болып табылады.

Мемлекеттік теңіз шекарасының сызығы № 1 бастапқы нүктеден батыс-онтүстік-батыс бағытында № 2 нүктеге дейін барады.

№ 2 нүктенің солтүстік ендікте $41^{\circ}44'00.0''$, шығыс бойлықта $52^{\circ}18'54.0''$ координаттары бар.

№ 1 және № 2 нүктелер арасындағы мемлекеттік теңіз шекарасы сзығының ұзындығы 6.14 теңіз милін құрайды.

Мемлекеттік теңіз шекарасының сзығы № 2 нүктеден батыс-оңтүстік-батыс бағытында № 3 нүктеге дейін барады.

№ 3 нүктенің солтүстік ендікте $41^{\circ}43'18.0''$, шығыс бойлықта $52^{\circ}14'30.0''$ координаттары бар.

№ 2 және № 3 нүктелер арасындағы мемлекеттік теңіз шекарасы сзығының ұзындығы 3.37 теңіз милін құрайды.

Мемлекеттік теңіз шекарасының сзығы № 3 нүктеден батыс-оңтүстік-батыс бағытында № 4 соңғы нүктеге дейін барады.

№ 4 нүктенің солтүстік ендікте $41^{\circ}41'33.2''$, шығыс бойлықта $52^{\circ}07'30.6''$ координаттары бар.

№ 3 нүкте мен № 4 нүкте арасындағы мемлекеттік теңіз шекарасы сзығының ұзындығы 5.52 теңіз милін құрайды.

Мемлекеттік теңіз шекарасы сзығының жалпы ұзындығы бұрылу нүктелерінің болуы есебімен 15.03 теңіз милін құрайды.

Аумақтық сулардың ені 15 теңіз милін құрайды.

5-бап

Балық аулау аймақтарын бөлу сзығының № 1 бастапқы нүктесі солтүстік ендікте $41^{\circ}41'33.2''$, шығыс бойлықта $52^{\circ}07'30.6''$ координаттары бар мемлекеттік теңіз шекарасы сзығының соңғы нүктесі болып табылатын № 4 нүкте болып табылады.

Балық аулау аймақтарын бөлу сзығы № 1 бастапқы нүктеден батыс-оңтүстік-батыс бағытында № 2 нүктеге дейін барады.

№ 2 нүктенің солтүстік ендікте $41^{\circ}41'24.0''$, шығыс бойлықта $52^{\circ}06'54.0''$ координаттары бар.

№ 1 және № 2 нүктелер арасындағы балық аулау аймақтарын бөлу сзығының ұзындығы 0.48 теңіз милін құрайды.

Балық аулау аймақтарын бөлу сзығы № 2 нүктеден батыс бағытында № 3 соңғы нүктеге дейін барады.

№ 3 нүктенің солтүстік ендікте $41^{\circ}40'41.0''$, шығыс бойлықта $51^{\circ}54'00.5''$ координаттары бар.

№ 2 нүкте мен № 3 нүкте арасындағы балық аулау аймақтарын бөлу сзығының ұзындығы 9.69 теңіз милін құрайды.

Балық аулау аймақтарын бөлу сзығының жалпы ұзындығы бұрылу нүктелерінің болуы есебімен 10.17 теңіз милін құрайды.

Балық аулау аймақтарының ені 10 теңіз милін құрайды.

6-бап

Жергілікті жердің кез келген табиғи өзгерістері, оның ішінде Каспий теңізі деңгейінің ауытқулары мемлекеттік теңіз шекарасы сзығының және балық аулау аймақтарын бөлу сзығының өтуінде өзгерістерге алып келмейді.

7-бап

Осы Шарттың ережелерін түсіндіруге және қолдануға қатысты барлық мәселелер келіссөздер мен консультациялар арқылы шешіледі.

8-бап

Осы Шарт мерзімсіз болып табылады, күшін жоюға жатпайды және дипломатиялық арналар арқылы оны ратификациялау туралы соңғы жазбаша хабарлама алынған күннен бастап күшіне енеді.

201 жылғы " " қаласында әрқайсысы қазақ, түрікмен және орыс тілдерінде екі данада жасалды әрі барлық мәтіндердің күші бірдей.

Осы Шарттың ережелерін түсіндіруде келіспеушіліктер туындаған жағдайда Тараптар орыс тіліндегі мәтінді пайдаланады.

ҚАЗАҚСТАН РЕСПУБЛИКАСЫ
УШІН

TURIKMENSTANUUSHIN

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК